



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

S. Vedasti Abbatia, in vrbe Atrebateni, apud Belgas.

urn:nbn:de:hbz:466:1-11261

testatur hodie adhuc incomparabilis huius monasterij bibliotheca. Postmodum Galliæ Regum & Episcoporum Treuerensium accessit liberalitas ac munificentia, qua & ditatum & egregiè illustratum est monasterium s. Matthiæ. Habet autem præ ceteris plurimis ornamentis, 28. fontes optimos ac limpidissimos, omnes ex vna scaturigine ortum & initium sumentes, sic ferè Gaspar Bruschius in Chronologia monasterium Germaniæ.

CAPVT V.

*S. Vedasti Abbatia, in vrbe Atrebatenſi,
apud Belgas.*

Illusterrimum S. VEDA STI cœnobium, ut nomen sic & originem repetit à S. Vedasto Atrebatenſi Episcopo: adeoque commune cum alijs plurimis habet exordium, quæ à cellulis anachoretarum & oratorijs Sanctorum originem duxerunt. Ceterum Vedastus, Romano collabente Imperio, Religioni Christianæ propagandæ in Leucis operam dabat, cum Rex Galliæ Clodoueus primus aduersus Germanos illo in tractu bellum gereret. A quibus parum absfuit quin funderetur ac deleretur: sed precibus ac votis impetrata victoria, Regi Vedastus cathechista opportunus adfuit, eumque ad Christiana sacra amplectenda, & baptismum suscipiendum, S. Remigio Remensi Archiepiscopo collaborante anno salutis 500. pertraxit.

500.

Atre-



Atrebatum surgebat è ruinis eo tempore & populus iam frequentior, sed rudis & omnis pietatis expers, diligent ac pio pastore indigebat. Remigius itaque, vt alijs plerisque vrbibus, alios atque alios, sic Atrebatibus, sub annum 530. Vedastum dedit Episcopum. Is prouinciam ingressus, verbo & exemplo verum pastorem se exhibet, orationibus & meditationibus animum frequenter excolit, cellulâ anachoreticâ, cum sacello seu oratorio, non ita procul ab vrbe prope ripam fluuioli Crientionis leui opere compositâ: in quam secedens cum Martha, opere fatigatus, Mariæ silentium & otium sanctum amplectitur, animumque reficit, vt seipso melior adopus redeat.

Secessum hunc sanctus Præful, quamdiu vixit, diligenter excoluit, & non raro insinuauit, optare se, in eo vt conderetur, cum mortalitatem exuisset. Puis tamen cleri populi-que votis, qui dictam cellulam adeò humilem tanti viri meritis imparem censebat, datum fuit, vt in cathedrali virginis Deiparæ templo conderetur. Voluit nihilominus Diuina bonitas, vt aliquando sanctus Antistes voti compos fieret: atque ita immisit in mentem S. Auberti, post aliquot internedios illius in cathedra Episcopali successores, vt sacras reliquias, in aliud transferret locum. Cumque ambigeret, anxiusque secum versaret, quonam loco eas reconderet, post nocturnas preces & meditationes, è mœnibus,

ceu

S. *Aubertus*
Episcopus
Cameracensis transfert
S. *Vedasti*
corpus.

ceu pergulo & loco celsiori, prospicienti sub auroram eminus ad ripam Crientienis offeratur imago architectorum & operariorum, ædificium insigne designantium: subiqtque illi in mentem (quod & Deo reuelantē percepit) illum esse locum in quem transferri & deponi sacrum corpus deberet.

Quando autem vetus cellula, ipsiusmet Auberti iudicio ad id non sufficiebat, nec solitudo aut paucorum fratrum societas, à quibus colebatur, idonea videretur ad asseruandum nobilem hunc thesaurum, sic eum locum excoluit, ut iustum monasterium conderet, & sanctioris vitæ cultores complures monachos ibidem colligeret. Et post aliquot annos, in uitatis sanctis Præsulibus, Audomaro Teruanensi, & Lamberto Traiectensi ad Mosa, alijsque primariæ notæ viris ad translationis celebritatem, sanctas reliquias, è basilica Episcopali, transfert in monasterium, ad ripam dicti fluminis excitatum in cliuo montis; qui sensim ad orientem surgit, cui iam infidet maxima pars urbis Atrebaten sis, cupitæ que s. Vedastum reddit cellulæ, anno Domini 658. vt tradunt sigebertus & Massæus chronologi.

Felicia hæc initia ac progressus postea promouit s. Vindicianus Episcopus, s. Auberti successor: qui ad expiandam cædem, s. Leode gario Augustodunensi Episcopo ab Ebroino maiore palatij Regis Theoderici in agro Atrebaten si illatam, procurauit; vt dictus

s. Vindicia-
nus Episco-
pus Camo-
racensis.

Rex

Rex Theodericus monasterium Vedastinum liberalissimè dotaret. Sed & ipse Vindicianus iurisdictionem Pontificiam remisit, voluitque monasterium immediatè à sede Apostolica dependere. Res breuiter antiquis hisce versibus expressa est in dicti Theoderici Francorum Regis epithaphio, quod hodieque in Vedastino monasterio visitur ac legitur.

*Rex Theodericus ditans vt verus amicus
Nos ope multimodâ, iacet hic cum cōiuge Doda,
Regis largamanus & præsul Vindicianus
Nobis Regale dant, & ius Pontificale.
In decies nono, cum quinquagies duodeno
Anno, defunctum sciat hunc qui quathor addat.
Qui legis, hac hora Dominum pro Regibus ora,
Muneribus quorum stat vita Dei famulorum.*

Hos progressus ac successus Vedastinum habuit coenobium, fuitque initio anachoretica, vt dixit, s. Vedasti cellula, piorum deinde secessus, ac monasterium s. Auberti studio excitatum, & regia Theoderici liberalitate, demum mirifice auctum. Ac primùm quidem per annos multos, à paucis monachis sub Priore agentibus locus incolebatur, sed temporibus Vindiciani Episcopi, & duodecimo anno Theoderici Regis, creatus est primus Abbas Hatta vir in primis religiosus ac prudens, qui post annum decimumquintum regiminis, præfecturam monasterij sancti Pe-

tri ad

*Hatta pri-
mus Abbas
Vedastinu.*

tri ad muros urbis Gandensis auctus est.

Ad tam sanctas origines dicti monasterij accessit fama miraculorum s. Vedasti: unde natum ipsi nomen Nobiliaci. Additum & nomen *Castri*, siue ob ædes, quas in eo Theodericus alijque Reges ac Principes habuerunt, siue ob munitiones ac propugnacula quibus cœnobium olim cœptum fuit, aduersus Hunnorum, Danorum, Normannorum & aliorum barbarorum incursiones.

Nobiliaci.

Præposituræ à Vedastina Abbatia dependentes.

AVedastina Abbatia dependent octo Præposituræ, quæ per monachos illius loci administrantur. Prima est *Angicurtiensis* siue *Agilcurij*, sita in diœcesi siluanectesi se-
ptimo plus minus lapide à Lutetia Parisiorū, quæ Vedastinis accessit beneficio Glotildis viduæ Regis Clodouæ.

Angicurtiensis.

Secunda est *Maniliensis*, altero à Pero-
na lapide sita. & altero à ræpolmis intra
terminos regni Franciæ, ut & *Angicurti-*
ensis.

Maniliensis

Tertia *Salliacensis* siue de salliano dicitur, in
confinibus Artesiæ & Flandriæ.

Salliacensis.

Quarta est s. *Michaëlis*, in suburbio urbis
Atrebatenſis Henrico primo Abbe Vedasti-
no excitata.

s. Michaëlis

Quinta est s. *Petri de Gorrea*, quæ distat uno
lapide à Bethunia Artesiæ opido.

s. Petri de Gorrea.